

臨淄縣誌叙

今年秋七月

上俞輔臣曲沃衛公請

詔天下郡州縣纂成書以

獻余適分較省試闈既撤馳歸襄若
後邑兵火舊章殘闕抵任後日

臨淄縣志

卷一

諮諸父老粗識軼事念穎上令

屠公隆洛陽令文公翔鳳皆自

謨邑乘燦備可觀余童少能讀

齊乘諸書從簿書叢脞中操鉛

槧若曩昔下帷時不煩聞邑北

鄙隱君子象先李子經醇行修



淹博掌故去邑僅五舍得所傳
得所聞得所見不邑人異也遂
以禮津請於邑諸生于子愚山
讀書壑舍開局舍旁學宮即吾
夫子聞韶處也於是正訛核真
辨誣補闕摛事屬詞凡三逾旬

而成例有言余肅衣袂握不聿
而告曰茲役艱哉邑為郡重要
邑前茲名賢輩出文學斌斌即
余同邑若胡公若張公若萬公
凡三綰綬此地矣咸未遑茲後
而屬於余其難有數端邑昔齊

都會自爽鳩氏建國晉魏來為
最大郡以周之鄆殷之偃師下
暨秦之興平楚之宜城不啻盛
已涉乎邑不得斥以出離乎邑
不得援以入且齊乘齊地記齊
記齊記補澠水燕談野錄水經

注類多牴牾不盡合後人折衷
裁定務綜其一是如葵丘營丘
之辨紛紛也前此葺邑誌者必
左右侍書命給筆札多士競集
各分一役必歲時優閒蒐采佚
遺一事未確閣筆經年必成憲

在列體例可師華嶠得續少孫
匪難今皆悉非其舊矣兩人晤
對燈火熒耕圖書索然全資腹
鵠更值文運肇開

聖天子篤意典籍詳求郡邑首以文
事倡天下而得失利病損益興

革取資國史吏治民生殷殷繫
焉非若前之士大夫狃於平成
之習恣意操觚即上之蘭臺東
觀石渠白虎率束弗觀僅為故
事更

功令煌煌程限日迫此余之挹簡

冊夜以續日拮据靡寧慚而且
愆也雖然邑封建大國車轂肩
摩成帷成雨不皎皎史冊乎今
則田污萊家廢堵戶皆貧最下
日岌岌求歲於天求惠於上風
塵下吏得藉是以輯太公望仲
山甫諸懿績上之

臨淄縣志

八 鄧叙五


九閣以助今日諸郡邑與周武宣朝
前後媲美更彰幽隱闡遺逸申
小臣芻牧鄙意以前令諸君子
豈不有厚幸哉茲後也于子等
有成勞故附及之

皆

康熙十一年壬子孟冬穀旦

賜進士第文林郎知臨淄縣事南昌

鄧性邕嶧甫謨



臨淄縣志

鄧叙六

叙

邑有誌讀者莫不曰談豈不以
其人哉余來齊門七載與諸人
士遊僉謂邑為郡巖邑爽鳩氏
數百代賜履掌故不稽蒐采不
精曰無乘無乘則無邑無邑則

無氓泱泱百里之區山川險易
戶口登耗人才盛衰

聖天子坐含元而輿圖之索芻牧臣
將何辭以對余曰勿勿是有待
齊自太公來閱數百年山高牧
馬輕重九府之政待彛吾談天

炙轂雕龍堅白同異之論待鄒
忌衍輿車攻馬同營陣壁壘之
法待穰苴臚酉俎鳩異諾皋森
森牦牦之書待段文昌柯古父
子令

皇朝受命穆清聲訖四海邑慕修待

臨淄縣志

吳叙二

人實丞丞也邑果得南昌

鄧侯來蒞邑事垂二載邑彬彬向
治矣值

上詔諸郡國撰其所經理地以上至
是衆怠於謀新請因舊文補葺
從事是安可為也以令我公方

學好問多事記載于欽之齊記
王闢之之燕談李餘慶之齊記
補麗道元之水經注多所究考
事同跡當有辨地同名當有辨
齊太公田姜當有辨敬仲管高
陳當有辨營丘葵丘當有辨聞

韶稷下當有辨章華門南北當
有辨雪宮遠近當有辨東郭北
郭公族非公族當有辨且語曰
天道十年而一變三十年而一
世邑無誌業已三易世矣柰何
當

右文熙治之朝遇我公宗匠鴻裁而
鉛墨弗事苟且云謀也公即案
牘紛紛退食自公寧能廢棄公
自闡中還謀辭例篇章於李君
象先核亥亥辨魯魚於于子愚
山輦闡幽隱佚遺於縉紳先生

褒衣弟子樵木野老之倫而余
得於茲寔左右焉邑有誌可千
百年垂也後余乃拜手稽首曰
君子哉

鄧公博瞻而竟厥後

皆

康熙十一年壬子孟冬穀旦訓導古

原吳建極符疇甫撰



臨淄縣志

吳叙五

序

粵惟輔軒旁採羣工進會計之書綸綍
遙頒萬國徵職方之典收圖籍於翰苑
風謠亟問齊疆

俞敷奏於元臣繡版先尋東鄙臨淄舊為
巨郡夙號名邦譜牒闕於百年方策湮
李序

乎奕世恭遇今邑侯鄧公系分高密籍
占南昌聯繡譜於竹牋簪纓接武得過
庭於文繫帖括傳家賦帝子於西江聲
振滕王之閣啣

簡書於東土績高尚父之風盤盂能銘案
牘何妨載酒絃歌作吏放衙不廢搯觚

花縣勒遺聞握槩皆關民社琴堂存掌
故版圖總是辭章郡忌有雕龍雄辯前
來稷下陳思稱繡虎翦桐曾列淄城於
是開館舍於聞韶郛筒載側聚生徒而
近孔泮水縈階走纁帛於泮干來就陳
蕃之榻挾奚囊於栢寢解裝梁鱸之居

李序

二

對案揮毫同堂抽簡次星野則光騰虛
危躔度數於元枵次疆域則地控淄青
較幅員於賜履次山川則天淵浩淼憶
漢皇萬乘之旌旗愚谷峻嶒弔耿弇千
秋之壁壘次建置則非南門可刺登藝
鼓於子來惟東郭其勤識胥靡於賢者

文宣三易終取吉於離鄉顯佑再遷竟
彰威於幽篋毬場閱射南馳蕩陰之傍
瑞水賦詩東眺牛山之址次戶口田賦
則林林黔首奕鳩肇造經營錯錯隰疆
仲父實為謀鞠次封建則統承炎帝錫
土姓者千年裔自沛公鎮河山者兩代

李序

三

次職官則熊旛疊建秩二千石於西京
虎節重開統七萬家於東魏次選舉則
李伯魚擅名大曆齊門增雁塔之輝麻
溫舒奏對祥符莊嚴生繁臺之彩次災
祥則人豕晝現望燕寢於諸兒寒燄陽
回解左驂於少女次古蹟則章華南北

嘗煩齊記補之求杜首東西必待澠水
談之考次宦績則迎蓋公而避舍平陽
之清淨可師教呂相而請行卜式之忠
勤在望次聖賢則申門童子瞥見而阻
尼谿蓋邑嬖臣輔行而就滕館次儒林
則注遺藝於秦焚之後引篋而談續微

李序

四

言於漢帝之朝東編以授次侯王則彤
弓盧矢實夾輔以專征季崩伯陵乃股
肱而分理次公侯則旗鼓賜乎高國此
外陪鄉天潢厥有朱虛豈同羈旅次政
事則懸車束馬張盛績於葵丘敝衣羸
冠引清風於魚里次文學則三都可賦

後空青水碧之奇二酉成編負鳩異誌
皋之巧次武功則陳師牧野滅竈馬陵
曹公注未盡九天章武軍真亞細柳次
忠義忠諫則死綏死鼓曰丑父更曰杞
梁守職守官有大夫又有司馬次孝友
則備身下邳捆屨里中舉孝義而為郎
李序

五

以篤行而授粟次僊釋方技則臨漳承
露臺西郭之浮圖鉅定寶文識先朝之
舊鼎次隱逸處士流寓則草根義士肅
萬古之綱常山老愚公依四時之俎豆
或談天多轂放言而侈九州或大笑絕
纓一朝而進七士姑蘇將危茅楚國之

王孫鳳凰爲占奔虞廷之裔于次列女
則崩城而變國甘爲淄岸之殉短被而
誅夫可當女媧之補次藝文則雄文淹
博自孟陽上邇鄆陽竒字聲牙從柯古
下暨通古次志餘則龍池雙炬文昌垂
應於鄆平北海一翁異藥喜逢於江夏

李序

六

念昔人十年而成一賦猶藉入謀至今
日寸管而著萬言但憑腹鵠彙茲全帙
期祇三旬趨厥後以從先立一程以勸
百爲葛倅再開生面匪越前賢因李公
重譜舊聞謬稱續尾且也謀棗梨於博
士辨豕亥於孝廉考脫誤於于君訂闕